

Druga međunarodna konferencija
SARAJEVO I SVIJET
4.-7. maj 2016. godine



Doc. br. 469B – 2016

Druga međunarodna konferencija
SARAJEVO I SVIJET
4.-7. maj 2016. godine

Uvod

Grad Sarajevo je kulturno i političko središte bosanskohercegovačke države. I više od tog. Grad Sarajevo je historijska i kulturna sinteza svih etičkih i estetskih ideala bosanstva kao društvene pluralnosti koja se razvija i sabire u održiv politički poredak. Tako je to historijsko i kulturno naslijeđe kompatibilno s najvrjednijim postignućima savremenog svijeta u kojem se naglo uvećava broj gradskog stanovništva i sve ubrzaniji i složeniji postaju odnosi među ljudima različitih religijskih, političkih i kulturnih pripadanja. Baščaršija je i realna i simbolička jezgra Sarajeva, a tako i cijele zemlje. Značenje te simboličke sinteze je univerzalno. Opravdano je reći da Sarajevo sa svojom Baščaršijom predstavlja jedinstven evropski grad. Jedinstven, jer u ukupnosti trajanja Baščaršije, od najstarijeg pisanog spomena iz 1462. godine, to je organska sinteza religijski pluralnog društva. Džamije, crkve i sinagoge obilježavaju na uzbudljiv i neosporiv način tu religijsku pluralnost koja je presudno važan model i svih modernih društava.

S obzirom na to da je bosanska religijska pluralnost bila u posljednjim stoljećima izložena ideologijskim destrukcijama, univerzalne vrijednosti Sarajeva s njegovom Baščaršijom ostale su izvan ozbiljnih intelektualnih vrednovanja i predstavljanja. Zato je na sudionicima političkog, kulturnog i ekonomskog poretka odgovornost da Sarajevu s Baščaršijom kao jezgri sveg bosanstva vrata i daju ono dostojanstvo koje pripada najvrjednijem naslijeđu svijeta. Urgentna i presudno važna je potreba da se u tome pogledu napravi temeljni zaokret, te da Baščaršija kao jezgra Sarajeva iz svih bosanskih sadržaja društvene pluralnosti bude uvedena u ozbiljno i dalekoročno usmjereno naučno vrednovanje i predstavljanje sebi, cijeloj državi i svijetu.

Takav zaokret bilo bi moguće napraviti organiziranjem redovnih godišnjih skupova u čijem središtu bi bilo preispitivanje, vrednovanje i predstavljanje historije i kulture Sarajeva u najširem intelektualnom okviru.

Iako je Sarajevo, kao sabiranje svega bosanskog, prisutno u svijetu kroz pet stoljeća, njegovo ime danas uglavnom asocira na njegovo stradanje na kraju dvadesetog stoljeća. Općina Stari Grad je, u skladu s tim mučeništvom grada i njegovih ljudi, 2. maj odabrala za dan Općine. Ovdje predložena konferencija, kao druga, bila bi organizirana u okviru obilježavanja tog dana.

Prva međunarodna konferencija Sarajevo i svijet održana je od 3. do 5. maja 2015. godine. Podaci o tome dostupni su na www.forumbosna.org

Cilj

Cilj ove međunarodne naučne Konferencije jeste afirmacija univerzalnih vrijednosti Baščaršije kao historijske i kulturne jezgre grada Sarajeva i cijele Bosne. Sadržaji tog cilja su:

- Otvaranje i razvijanje dugoročno usmjerenog programa naučnog istraživanja, vrednovanja i predstavljanja svih kulturnih sadržaja Baščaršije;

- Okupljanje najuglednijih istraživača, mislilaca i umjetnika iz zemlje i svijeta oko pitanja prošlosti, sadašnjosti i budućnosti Bašćaršije kao simboličke paradigme Sarajeva, odnosno održivog pluralnog društva;
- Proizvođenje naučnih i umjetničkih dobra koja odražavaju simboličke i stvarne vrijednosti Bašćaršije kao kulturnog i ekonomskog života Sarajeva, kompatibilnog s najvrjednijim tokovima savremenog svijeta;
- Doprinošenje osvješćivanju i misaonom artikuliranju materijalnih i nematerijalnih vrijednosti života u cjelini Bašćaršije, kao jezgre Sarajeva i svega u vezi s njome;
- Podsticanje naučnih, obrazovnih i umjetničkih programa kojima će naslijeđe Bašćaršije, odnosno Sarajeva, biti neprestano uzdizano na višu kognitivnu razinu;
- Omogućenje predstavljanja Bašćaršije, odnosno grada Sarajeva, kao javnog dobra svijeta;
- Podsticanje različitih oblika djelovanja u gradnji obrazovnih, naučnih i kulturnih ustanova te njihovog predstavljanja kao temeljnih sadržaja Sarajeva–jezgre bosanske kulturne paradigme, i sl.

Način

Svake godine, u unaprijed određenome vremenu, povezanom s danom Općine Stari Grad, bit će organizirana međunarodna konferencija s naslovom *SARAJEVO I SVIJET*. Konferencija bi bila organizirana oko tri naučne rasprave/stola:

- a) Sarajevo i religijska pluralnost;
- b) Prošlost i budućnost Sarajeva;
- c) Društvo i razvoj grada.

Navedene rasprave/stolovi bile bi održavane kao trajne, a jedna od njih bi svake godine bila iznova određivana, i to u skladu s procjenama prilika i potreba.

Uz navedene naučne rasprave bile bi organizirane različite kulturne priredbe-izložbe, muzičke večeri, javne tribine, promocije i sl.

Druga međunarodna konferencija Sarajevo i svijet bit će organizirana u skladu s ovdje danim općim okvirom. Međutim, naročita pažnja bit će dodijeljena migracijskim kretanjima u Sarajevo i iz njega koja su utjecala, utječu ili će utjecati na politiku, kulturu i ekonomiju Sarajeva.

Sudionici

Za realiziranje navedenih ciljeva bili bi pozivani najugledniji naučnici iz zemlje i svijeta za kulturno naslijeđe, njegovo vrednovanje i uključivanje u savremene tokove života. To bi bili arhitekti i historičari, umjetnici i filozofi, sociolozi i političari, teolozi i ekonomisti, i drugi.

Osnivač

Zvanični pokretač i osnivač konferencije SARAJEVO I SVIJET je Općina Stari Grad Sarajevo.

Organizacijski okvir

Iako će u budućnosti biti uspostavljen obuhvatniji organizacijski okvir, tehničko izvođenje i upravljanje konferencije povjereno je Organizacijskom odboru koji uključuje ugledne stručnjake iz zemlje i svijeta. Zadatak Odbora je uspostavljanje organizacijskog okvira, određivanje sadržaja i pozivanje sudionika, i sl. Članovi Organizacijskog odbora Druge međunarodne konferencije SARAJEVO I SVIJET su: Mile Babić, Jakob Finci, Ibrahim Hadžibajrić, Amra Hadžimuhamedović, Dževad Karahasan, Rusmir Mahmutćehajić, Desmond Maurer, Krsto Mijanović, Žarko Papić, Dragana Tomašević i Safet Zec.

Predsjednik ovog odbora *ex officio* je načelnik Općine Stari Grad Sarajevo.

Razvoj

Iz međunarodne konferencije bili bi mogući sljedeći razvoji:

- Izdavanje zbornika radova Konferencije;
- Uspostavljanje internetskih portala kojima bi u zemlji i svijetu bila širena znanja o Sarajevu;
- Osnivanje dugoročnih projekata zaštite, rehabilitacije i predstavljanja sarajevskih vrijednosti;
- Osnivanje različitih udruženja za zaštitu i oživljavanje bašcaršijskog, odnosno sarajevskog tradicijskog naslijeđa;
- Podsticanje poslovnih pothvata koji su u okviru sarajevskih kulturnih vrijednosti i sl.

Druga međunarodna konferencija
SARAJEVO I SVIJET
4.-7. maj 2016. godine

OPĆI PROGRAM

4. maj 2016.

9.30-18:45 sati, Hotel Europe
Drugi naučni skup "Sarajevo i svijet"

10:00-12:00
Prvi stol
Sarajevo i religijska pluralnost

13:00-15:00
Drugi stol
Prošlost i budućnost Sarajeva

16:00-18:00
Treći stol
Društvo i razvoj grada

18:15-18:45
ZAKLJUČNI PRIKAZ

5. maj 2016. godine

20:00 sati, Hotel Europe
Javna rasprava O estetizaciji politike: Uz knjigu Rusmira Mahmutćehajića
Andrićevstvo: Protiv etike sjećanja.

6. maj 2016.godine

20:00 sati, Kamerni teatar 55
Dug – literarni oratorij za četiri glumca, Vesnu Mašić, Josipa Pejakovića, Vedranu
Seksan i Zijaha Sokolovića.

7. maj 2016. godine

20:00 sati, Vijećnica
Večer zbora Pontanima: Musica sacra Bosnae